



Den 2011 Ta Napa Autoparts ta esun cu tin
tur bo piesanan di bon prijs y calidad
Bishita nos na

Cura Cabay 145
Tel: 584-5046

Sabana Blanco 70
Tel: 583-4363

Shaba 1
Tel: 587-0621



Minister Michelle Hooyboer-Winklaar na ocasion di celebracion di Dia di Betico **“Laga e dia di awe sirbi como un dia di refleha riba locual ta haci Aruba unico”**

E Comision Nacional di Celebracion Dianan Nacional a organisa un evento cultural grandi riba Plaza Libertador Betico Croes diamars anochi. Gobernantenan, invitadonan, famianan di Betico Croes y un publico grandi a atende na e evento aki.


Minister Michelle Hooyboer-Winklaar, Minister di Cultura a hiba palabra na e ocasion special aki y a enfatisa cu “Hopi a wordo bisa y skirbi tocante Sr. Betico Croes, kende awe nos ta recorda den tur su gloria. Mi ta



saluda su famianan presente aki awe nochi y mi ta gradici nan pa nan presencia. Mi ta sigur cu

awe boso ta wordo carga door di recuerdonan cu ta yena boso curason cu orguyo. No tin nada mas bunita pa un storia familiar cu no solamente ta wordo traspasa di generacion pa generacion di famia, pero generacion pa generacion di henter un pais. Mi ta sigur cu lo boso comparti e pensamiento cu boso tata por ta ausente fisicamente, pero e multiple recuerdonan di dje, ta haci'e inmortal, no pa boso como famia so, pero pa henter nos comunidad. Awe nos ta bisa boso danki pa a comparti boso tata cu henter Aruba”.

Un dia manera Dia di Betico ta pone nos reflexiona kico realmente nos kier pa nos yiunan tin como herencia di famia, kico realmente nos kier pa nan conta nan yiunan mañan. “Mi a mira awe e nietonan di Betico duna honor na su memoria durante e acto protocolario awe mainta. Mi a mira den nan wowo, hasta na un edad jong, cu e storianan di nan welo ta bon conoci caba y cu hopi orguyo nan a para banda di e estatua di nan welo tan admira y adora pa henter un pais”, asina Minister Michelle Hooyboer-



Winklaar a duna di conoce den su discurso.

Nos ta den e aña di celebracion di 25 aña di nos Status Aparte, un lucha sinonimo cu nos memoria di Betico Croes. A scoge e lema “A nace un pais” como e tema central di e celebracion di plata: “Y cu esey nos kiermen cu hunto cu ne a nace e oportunidad pa logronan grandi, y responsabilidad propio. Awor despues di 25 aña nos por mira bek riba logronan grandi, exitonan grandi y un desaroyo acelera”, di acuerdo cu

e Minister di Cultura.

Na final, e mandatario a termina su discurso riba Plaza Betico Croes bisando “Laga awe, riba Dia di Betico, caminda hopi hende ta bini hunto pa rindi honor y respet na un di nos baluartenan den nos historia cu a bay laga nos mucho jong, sirbi como un dia di refleha riba locual ta haci Aruba unico, mescos cu nos ta recorda locual a haci Sr. Betico Croes unico y lo keda balora den nos herencia cultural pa semper”.